

# **Сийрат дарслари (60-дарс). Құявер, уларни икки пок оёғимга кийганман**



15:30 / 22.11.2019 4063

296. Муғийра ибн Шуъба розияллоҳу анҳудан ривоят қилинади:

«Набий соллаллоҳу алайҳи васаллам билан бирга сафарда әдим. Шунда у зот: **«Муғийра, мешни ол»**, дедилар. Уни олдим. Расуллоро соллаллоҳу алайҳи васаллам мендан узоқлашгунларича юриб кетдилар. Қазои ҳожат қилдилар. Устларида шомий чопон бор әди. Унинг енгидан қўлларини чиқармоқчи бўлган эдилар, торлик қилди. Шунда қўлларини унинг остидан чиқардилар. Мен сув қўйиб турдим. У зот намозга таҳорат қилгандек таҳорат қилдилар. Сўнг маҳсиларига масҳ тортдилар ва намоз ўқидилар».

*Бухорий ва Муслим ривоят қилишган.*

Бошқа ривоятда: «Набий соллаллоҳу алайҳи васаллам билан сафарда бирга бўлган эдим. Маҳсиларини ечиб қўйиш учун энгашувдим: **«Құявер, уларни икки пок оёғимга кийганман»**, дедилар ва уларга масҳ тортдилар», дейилган.

*Бухорий ривоят қилган.*

Бошқасида: «Набий соллаллоҳу алайҳи васаллам икки маҳсиларига, бошларининг олд қисмига ва саллаларига масҳ тортдилар», дейилган.

Муслим ривоят қилган.

297. Абу Саламадан ривоят қилинади:

«Оиша розияллоху анҳонинг ҳузурлариға кирсам, унинг эмикдош акаси бор экан. Шунда ундан Набий соллаллоху алайҳи васалламнинг жанобатдан қиласиган ғусллари ҳақида сўради. У бир соъ ҳажмли идишни чақирди ва ғусл қилди. Биз билан унинг орамизда парда бор эди. Бошидан уч марта сув қўйди. Расулуллоҳ соллаллоху алайҳи васалламнинг жуфти ҳалоллари бошларидан қулоқнинг учигача очар эди».

*Муслим ривоят қилган.*

**«Расулуллоҳ соллаллоху алайҳи васаллам» китобидан**